

REGIONAL NEWS BULLETIN

HEADLINES (EVENING)

- 1. Thla thar April ni 1 atanga hman tan tur, damdawiina a thlawna inenkawlina tur Mizoram Universal Healthcare Scheme chu vawiin khan Chief Minister Pu Lalduhoman a tlangzarh.
- 2. Assembly Speaker Pu Lalbiakzama'n Assembly rorel inkhawmah House member te chu House zahawm, in vawng fel an nihna chhawm nung turin a chah.
- 3. Union Cabinet chuan BHIM-UPI man tlawm zawk hman uar anih theih nan itanpuina scheme siam a remti.
- 4. India chuan ama pualin kum 2025 ah Space Station Bharat Antariksh Station neih bakah 2040 ah thlaa Indian Astronaut kah kai a tum.

<><><>

HEALTH CARE SCHEME

Thla thar April ni 1 atanga hman tan tur, damdawiina a thlawna inenkawlina tur Mizoram Universal Healthcare Scheme (MUHCS) chu vawiin khan Chief Minister Pu Lalduhoman a tlangzarh.

Sorkar laipui scheme AB PMJAY, Mizoram Health Care Scheme leh Sawrkar MR te chu huang khatah chhunfinin, kalphung khat hnuaia kalpui tur a ni a, Civil Pensioner leh Provisional Employess te pawh he scheme hi tuamtir an ni.

He scheme hnuaiah hian damdawiin luh ni leh chhuah ni inkara inenkawlina senso te chu damlo ten an pek ngai lovin a thlawnin damdawiinah inenkawlina an dawng thei dawn a, heng senso hi sorkar chuian ni 30 chhungin a pe anga, a pe lo anih chuan a bat chhunga pung nen a rul dawn a ni a ti. He scheme hman theihna tur damdawiin chu tun dinhmunah sorkar damdawiin te an ni a, empanelment hawn mek a ni a, private hospital hemi hnuaia inziaklut duh te tan inziahluh theih a ni dawn a ni.

Chief Minister Pu Lalduhoma chuan he scheme kalpui tur hian Asian Development Bank atanga sum puk tum a ni a ti a, an puk theilo anih pawhin an kalpui theih tho tur thu sawiin, sorkarin sum harsatna nasa tak tawkin dinhmun hlauhthawnawmah pawh ding se he scheme a kalpui tlang theihna turin bank nen ruahmanna an siam vek a, mipui ban phak scheme a ni dawn a ni a ti.

He scheme hnuaiah hian sorkar damdawiin thuam chak a ni dawn a ti a, ICU leh a dangte hnathawk theia siam a ni dawn a, hemi atana pawimawh thawktu, doctor leh nurse te emaw pawh lakbelh a ni anga, part time doctor mamawh a nih pawhin hlawh tha tak pek an ni ang a ti.

Pu Lalduhoma chuan tun financial year kalmeka Health Care sum ba, cheng vbc 13 leh nuai 50 chu pek tlak vek a ni dawn tih a sawi bawk a ni.

<><><>

AMC

Aizawl Municipal Corporation Mayor Pu Lalrinenga Sailo chuan Treasury Bazar a eizawng tute zinga insawn duh lo tlemte chu thil awmzia ngaihtuah chianga AMC ruahmanna dodal lo hram turin a duh a ni, a ti.

He thu hi vawiina AMC Market, Tuikual South ah sawiin Pu Lalrinenga Sailo chuan tun tuma Aizawl Treasury Bazar a kangmei chhuak chuan Mizoram Legislative Assembly bang te a hliau a, a bula office pawh a kang ral vek a hei hian office dangte dinhmun hlauhawm takah a siam a ni, a ti a. India ram sawrkarin eizawnna mumal neilote intunnun nana kawng kama inzawrh theihna dan a awm a, hmun pawimawha inzawrh chu khap tlat a. Mipui tam zawk hamthatna leh sorkar thil pawimawh venhim chu a pawimawh a ni, a ti.

Mayor chuan, Treasury Bazar leh a chhehvel chu survey neih a ni tawh a, kum 2016-17 chhung khan chawhmeh zawrhna dawhkan 150 chuang pek a ni a. Chumi ruala insawnna tur buaipui nghal a nih thu a sawi bawk a ni. Pu Lalrinenga Sailo chuan kum 2016 December ni 9 khan Treasury Bazar Association leh AMC te chuan inremna an sign tawh tih sawi bawkin, asn inremna thuthlungah chuan Treasury Bazar chu AMC in tha a tih huna titawpin hmun danga insawn theih a nih thu leh bazar hmangtuten harsatna an siam loh tur thu an intiam a ni, a ti.

AMC Mayor Pu Lalrinenga Sailo chuan AMC in nikum May ni 1 khan Notification a tihchhuah thu leh nikum May ni 6 ral hmaa insawn thla vek tura hriattirnaa siam a nih thu a sawi a. Nikum May ni 27 , MAY ni 31 leh June ni 1 vek khan Treasury Bazara thilzuara thute insawnna tura hriattirna chu chanchinbu kaltlanga chhuah a nih thu a sawi bawk a ni.

<><><>

CM

Chief Minister Pu Lalduhoma'n Mizoram Sorkarin sawhthing, aieng, hmarcha, hmunphiah leh buh humah te Support Price pek a tum tih a sawi.

Vawiina Assembly rorel inkhawma zawhna leh chhanna huna, Agriculture & Farmers' Welfare Department changtu Minister Pu P.C. Vanlalruata chu rokhawlhna avanga a kal theih loh avangin a aiawhin, Chief Minister Pu Lalduhoma chuan zawhna chhangin, Mizoram Sorkar chuan sawhthing, aieng, hmarcha, hmunphiah leh buh humah te Support Price pek a tum a, kum 2024 October atanga kum 2025 February thla chhung atan sawhthing hring chu kg 1-ah cheng 50, Aieng hring chu kg 1-ah cheng 20, Aieng ro chu kg 1-ah cheng 130, Aieng pho ro chu kg 1-ah cheng 150, Mizo hmarcha ro chu kg 1-ah cheng 350, Hmunphiah ro (Grade A) chu kg 1-ah cheng 100, Hmunphiah ro (Grade B) chu kg 1-ah cheng 80, Buh hum kg 1-ah cheng 30 minimum rate a siam a, minimum rate anga an hralh theih lohna zelah sorkar chuan Support price a pe dawn tih House a hrilh a ni.

<><><>

ASSEMBLY SPEAKER

Assembly Speaker Pu Lalbiakzama'n Assembly rorel inkhawmah House member te chu House zahawm, in vawng fel an nihna chhawm nung hram hram turin member te a chah.

Assembly Speaker Pu Lalbiakzama chuan vawiin Assembly rorel inkhawm tan tirhah House member te chu nizan Assembly rorel inkhawma Minister thusawi laia House member pakhatin sawi duh a neih sawi a tum nghal mai chu kalphung pel a nih thu sawiin, member dangten mipui rilru sukthlek tumna ni-a ngaia an khapna lamah boruak ri laih laih ang kha thleng nawn tawh lo se a duh tih a sawi. Nizana Minister demand chungchang sawihona tawp lamah Minister Pu B.Lalchhanzova'n a enkawl department pahnih sum mamawh pass a dil dawn laiin Hachhek bialtu, MLA Pu Robert Romawia Royte chuan One nation, one ration chungchang sawi chhuakin, Zampui leh Phuldungsei khaw mite chu a nghakhleltu leh Mizorama awm duh an nih laiin, kum 2024 March atanga May thla inkar khan Mizoram sorkar chuan Mizoram leh Tripura-ah an awm kawp tih hria in, an paih chu pawl a tih thu a sawi a, thih leh dam inkar niin a sawi a, hemi chungchang hi Hrangturzo bialtu Pu Lalmuanpuia Punte leh member dangten hnialin, inhnialna a chhuak zui ta a ni.

Speaker chuan House Member te chu sawi duh leh ngaimawh an nei a nih chuan Minister leh member te din laia tibuai lovin chair-a thu te dil tur emaw rule number 335 hmangin a hranpa in an sawi duh sawina hun dil turin a chah a. Speaker chuan tunhma atanga House inthunun tha, House zahawm, in vawng fel an nihna chhawm nung hram hram turin member te a ngen a ni.

<><><>

BROOM

Land Resources, Soil & Water Conservation Department changtu Minister, Pu Lalthansanga'n tun dinhmunah Mizorama hmunphiah thar chhuah an lei vek dawn a ti.

He thu hi vawiina Assembly session-a zawhna leh chhanna hunah sawiin, Minister chuan Hmunphiah chu grade a then lovin an lei vek dawn a, hmunphiah lei leh hralh season pawl lo tawp se an lo lak tawh sa ang chu an lei vek dawn tih House a hralh bawh a ni.

Pu Lalthansanga chuan tun dinhmunah hmunphiah quintal sing 4 chuang hralh a ni tawh a, Mizoram Sorkar sum hmanga hmunphiah lei a la awm lo tih a sawi a, hetihrial hian Mizoram Agriculture Marketing Board (MAMB) hnuaia Empanelled Buyer mi pasarih te bakah Non-empanelled Buyer/Commissioned agents mi sawmparuk ten hmunphiah an lei mek a. Thla hmasa February ni 20 thleng khan hmunphiah Quintal sing 1, sang 2,400 lei a ni tawh a, hemi hnu hian Empanelled Buyer leh Non-empanelled Buyer te bakah commissioned hrang hrang ten quintal sing 3, 804 an lei leh tawh a, Zohandco chuan quintal 2,450 an lei tawh bawh a, Mizoram Sorkar sum hmanga lei erawh a la awm lo tih sawiin, Mizoram sorkar chuan hmunphiah ro atan rate a siam a, Grade A Kg 1 chu cheng 100, Grade-B Kg 1 cheng 80 te an ni tih House a hralh a ni.

Minister chuan society kaltlanga hmunphiah hralh te chu sorkarin support price a pe thei a, MAMB-in a chhawmdawl zel dawn a, hetihlai hian society kaltlang lova mimala lo hralh te chu chhinchhiahna a mumal loh avangin support price pek ngaihna a awm lo tih sawiin, kuthnathawktute chuan society system an la hmang thiam tawh lova a hriat thu leh hemi chungchang hi inzirtir an mamawh a tih thu a sawi a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar hi puan leh a ni ang.

<><><>

UNION CABINET

Union Cabinet chuan BHIM-UPI man tlawm zawk hman uar anih theih nan itanpuina scheme siam a remti. Vawiina New Delhi-ah chanchinbumite kawmin Union I&B Minister Ashwini Vaishnaw chuan he scheme atan hian cheng vaibelchhe sangkhat leh 500 ruahman a nih thu a sawi.

He scheme hmang hian sumdawng tenaute chuan UPI service chu engmah chawi belh awm lovin an hmang thei dawn tih Pu Vaishnaw chuan a sawi a. Cheng sang 2 chian an inthawn apiangin zaa 0.15 lawmman pek zel a ni ang tih a sawi.

Union Cabinet chuan Brownfield Ammonia-Urea Complex Namrup IV Fertilizer Plandt chu Assam-a Namrup ah din a remtih thu a sawi bawk a. He plant hi Brahmaputra Valley Fertilizer Corporation Limited huamchhungah siam a ni ang tih a sawi a. Hei hian ramchhunga Urea siam chhuah a tihpun tur thu a sawi bawk a ni.

<><><>

SPACE STATION

India chuan ama pualin kum 2025 ah Space Station Bharat Antariksh Station neih bakah 2040 ah thlaa Indian Astronaut kah kai a tum.Union Minister of State in Prime Minister's Office Dr. Jitendra Singh chuan vawiin khan Lok Sabha-a zawh belhna chhangin he thu a sawi a. Pu Singh-a chuan Chandrayaan-4 chu launch vehicle pahnih hmangin kahchhuah anih tur thu sawiin bung hrang panga a kalpui ang a ti a. Gangayaan pawh kumin kumtawpah enchhin anih tur thu a sawi a ni.

<><><>